

峴嶠山房詩集

峴嶠山房詩集初編卷六

洪洞 董文煥 研樵

甲子

新年作次顧翁除夕韻

焉識蹉跎補但期餐飯加愁懷耐羈旅京國易春華庭霰
慵成雪盆梅賸着花浮沈且樽酒未敢計津涯

齋中讀書柬海老顧齋

健兒勝儒冠誰肯守文史所以多才人從我相繼起科第
待常流十年尚故紙始悟終南山捷徑不在此

人生無飢寒賢聖亦何貴身名誰不希多爲飢寒廢少年

苦爭命萬事誤勝氣縱得猶不償精力嗟久費
虛譽不費惠眾口暫餽贐坐此誤百年未死忽焉盡不朽
藉文字所託良已僅若更爭目前無勞後者哂

注考日作

間官久無補敢望好爵縻幸無簿書事聊足免瑕疵蹇拙
及中年前途亦可知逾分注上考祇令慙忤隨補外豈不
幸量力固非宜通衢多巖險孰云無他歧榮寵與咎責倚
伏隨所移春風動百草妍醜齊葳蕤擢豔不滿眼託根淺
易悲志士恥貪冒前賢有良規苟無飢寒累且復安一枝
入日雪車中口號

薄莫雲初合平明雪漸霏已教遲歲度應是待春歸煙重
全低樹塵輕不上衣占年人共壽甯止斂冬威
雪夜再用除夕韻

羈愁與飛雪向晚各交加對酒勸形影迴春閱物華風聲
多在竹詩思每先花獨有還鄉夢依依汾水涯

病臥三疊前韻

顏隨新歷改病比舊年加顧影慚曠昔憎人問歲華曉池
留宿東古樹遲今花身外從多事吾知亦有涯

莫春感興

萬舊春競新園林佳雨後是物皆一之天心甯獨厚草木

山陰集卷之二
不解恩欣欣私自得有得氣信爲先過時固難久小窗無人
見修竹影相守

與顧齋夜坐話別

分知行暫別留語迨宵深婚嫁應聞事行藏共此心
燈殘花自落籟靜竹能吟不待明朝去青山有夢尋

餞春圖爲朝鮮李藕船題同次原韻

婪尾初殘夏已生無端此會又春明空將幽夢留芳蝶不
耐閒愁怯曉鶯帝里春仍前度別關門人是隔年征披
圖莫歎垂垂老會向花閒續舊盟

送顧齋旋里

亦知非得計何似在家貧話別難禁淚留行忽破春雲山
鄉夢遠煙樹客愁新離菊今年晚秋來正待人

題華輔臣

良顯

問津山房遺集

號峰前輩哲嗣

詩人觸天罰志業何能就歐心長爪生壽命固難久華子
富才藻西江後來秀語苦肺腑愁思危霹靂闕年位兩弗
及等山木自寇空有無窮悲欲讀淚盈袖奚囊在人閒深
痛慰我友詩一卷長留名千載不朽

答高寄泉

繼珩

先生并謝見贈畫蘭

高叟淡蕩人於俗無憎愛提槩六十年身名傾宇內白首
作吏行壯游越瘴海深心蘇民命義旅敵王愾

先生任粵博茂大使

曾以練勇功成卽歸休保此閒放退來往長安市性命依

朋輩高軒幸識韓小邦欤自鄮先生得深造詩書中盡外

平生著述身不朽名山待先生著有楚階外史演教諭語并輯梨畿輔詩抄餘事

爲詩文下筆足千載正聲日周息淫哇響誰耐小子守師

承緒論從藩句刻楮功徒勞雕蟲技頗悔幸不被譏嘲乃

更蒙取采極知言獎借厚意實可佩余輯聲調圖說先生深嘉之昨枉

繪蘭貽古色絕藻續清風生尺幅其人宛相對瓊報病未

能湔僵恥不逮儻許參雲龍終當策駑駘永保松柏姿風

雅秉當代

游城南寺

車馬遠城市精廬泛夕涼蘆齊新雨坼樹就晚煙藏漸覺
疏鐘起誰憐古墓荒詩心與飛鳥不盡倚斜陽

登陶然亭

一徑循蘆葦荒亭向晚登風回林際磬龕閉佛前鐙樓樹
無凡鳥呼茶有瘠僧低徊何限意欲去且軒凭

游碧雲寺八首

端居滯文翰事久賞心闕佳游屢前諾暇日始探閱平蕪
目蒼茫疊嶂面巋截邨深孤煙通樹遠空碧滅及茲曠原
盡漸覺靈境別石氣太古寒五月敵冰雪騎來岫雲迎人
至谷鳥悅回首冠蓋勞暫此息塵轍

松門亘五里飛空劈翠罅石盤千階級絕澗梁橫跨躋險
冒嶽崎緣虛越崕呀渴虹澗底垂獨羽日邊下風餘聞鐘
磬雲破出臺榭四時自虛寂丈室坐忘夏庭紅覺花延砌
碧慧草迓香界來不易山靈許我假

石泉孕巖穴咫尺雷雨變終隨平地波如有出山戀前吸
千玉瀉後歎萬珠濺咽響宿風交洄澗空日眩溼屨黏莓
苔漱齒嚙霜霰誰云清濁異岩壑聲已徧澄心悟川逝霽
目動淵羨却媿塵土耳夜月聽僧院

孤塢摩碧空登臨出世界青雲生腳底白日走檐外迤邐
北園景縹緲西嶺藹雙目隨鳥遠天盡無隱概三山煙點

青勺水鏡搖碎晴暉媚 皇州佳氣趨遙塞俯仰空宇宙
蒼茫閱時代高呼神頓王三復垂堂戒

徑曲窈無地十步不同展尋花得暗蹤窺洞穿幽隙風廊
竹交響露沼荷潛滴綿續織煙蘿雲霞繪落石林氣當檻
青嵐光可窗碧千松渺蓬蒿遠望不盈尺閣護先朝經崖
留古佛迹杳與人境隔獨覺塵念釋

崇煥輝山容繚繞窮巖腹徧厯莊嚴宇乃知象教黷刻桷
復丹楹辟邪與天祿綺麗誰所營在昔貂璫族蠹國而佞
佛淫工侈土木不見五百寺半空西山麓亦知信因果甯
計遭殄戮上觀等殷鑒 宸翰昭崖谷

峭壁橫危空夤緣奮孤上前房卻寸進後仄懷尋枉側身
見湖淀杯水潛滉漾咫尺紅牆隔欲卽不可往長楊舊
宮闕 金輿徒想像空煙悶深苑古塵封題榜當時 駐
蹕所白日走魍魎物理有盈虧山川忽榛莽感此傷我心
臨風獨慨慷

夕景斂晚霞暝色赴落日却顧來時徑藹藹蒼煙失歸僧
到寺晚倦鳥入林疾余亦困登陟就憩支公室東岩素月
上金色萬松溢空香寂處生清梵雲中出萬籟同一靜真
趣心自悉近賞能幾暇重來詎可必安得此結廬長年飽
松栗

晚歸口占

夜久羣動息出門始有地紅塵不暫間日出還多事

送丁頤伯

壽昌

同年出守嚴州

玉署文章彥霜臺獻納臣方爲剖符守又與客星鄰驛路
通淮甸山光接富春早應兵甲洗甘雨逐征輪

靈隱訪僧圖爲曹嵐樵

宗瀚

給諫題

翠微濛濛裏金碧留殘照湖上尋僧來策杖先雲到雖異
儒釋門而同煙霞調亭館片時閒幽香得靜妙林嵐撲鬚
眉風泉雜言笑畫師真慘淡咫尺隱遐眺吾欲挹其袂往
隨鴈鶴嘯

雨後期王信甫 應孚 待詔同年不至

一雨失炎暑微涼枕簟加新籬添舊筍
宿露潤晨花愁緒難銷日秋心易到家
兼旬疏客至同巷即天涯

金陵收復誌喜一百韻

鴻運貞元啟龍飛甲子年中朝盛文物外
壘靖戈鋌鍾阜煙氛豁秦淮霽景鮮捷音
奏都會喜氣溢郊廓武力師爲

壯 謨猷斷自乾光華增日月靈佑効山川
時命各直省致祭名山

大列爵屏藩固酬庸禮數駢公侯聯袞紱
賜封欽差大臣協辦大學士

兩江總督曾國藩一等侯浙江巡撫曾國荃
一等伯提督李臣典一等子蕭孚泗一等男

曾公兄弟均 賞雙眼花翎李臣典 賞
黃馬褂其餘將校 賞花翎藍翎有差 崇號尊 堯舜

時廷議請上兩官明禋格几筵告祭天地社稷三

徵號懿旨未允隆麒麟功不朽金石頌應鐫太息時初扈

西陵太廟福寺几筵前

誠知禍倚緣文儒事姑息中丞鄭祖琛撫粵西性仁吏治

日拘擊輟耒無安隴吞舟有縱淵道光丙午丁未間逆匪

縣官紳有弋獲者大吏恐敗兵端率不予理啟心方水狎

縱之去遂有馬平縣知縣沈麟寅被戕一案堤誰懷蟻

大度且薪眠社久憑狐假州縣吏役為內應

穿致令遺蠶蠶頓使走獲挺翼軫機槍指庚辛步舍躔道

庚戌大吏方軍書起丹徵初起粵西極南境殺氣兆金田

以反狀入奏尋梧欽靈一帶

洪酋所居伏莽占三歲為言託一塵逆匪以天主教蚩氓

日金田邨

怵威脅凶燄恣狂扇大府方辭鉞鄭祖琛既得罪中丞鄒

鳴鶴周天爵先後撫粵

功不成命總督徐廣縉往勦尋請以事仍留粵東中途遽喪賢公則徐爲欽差
大臣未至而薨復欽差大臣廟堂咨上相帷幄制中權文
總督李星沅爲欽差大臣廟以師久無功特簡大學士賽尚阿爲欽差大臣
賜上方遏必隆刀復命巴清德烏蘭泰爲欽差大臣
勁旅二百百里孤城小重圍一角偏賊初出山即據永安
前往勦辦前之相臨衝莫爲後旗鼓竟無前浦欽帥住軍荔馬革悲
持不下巴烏二參贊前後秦弓悼繼捐復州城生擒逆酋洪
雙隕以孤軍深入星隕秦弓悼繼捐復州城生擒逆酋洪
大全檻送邵鶴齡遇伏捐軀徒看桺兕出坐任幕烏鸞
壽董光甲賊竄圍後復之桂林圍城向榮追擊敗湖湘
嶺嶠重門闕賊竄圍後復之桂林圍城向榮追擊敗湖湘
一葦沿既入湖南連陷道州永峰高回縹緲遂至地窄舞
蹕蹕賊初至長沙痛劇炊骸困危逾沈板全被圍八十
蹕蹕攻甚至長沙痛劇炊骸困危逾沈板全日方伯潘忠

毅公鐸備具不守禦激亞夫誠迅速賊初圍長沙城中守備
 十餘丈垂破矣已革提督向榮卿子坐延延賽尙阿達問
 追兵適至力戰却之城遂獲安命徐廣
 籍爲欽差大臣諭馳赴蔓草成滋孽游魂竟再煽賊既
 湖南勦辦數月逗留不進相從委鎖鑰自爾致迫遭賊北竄
 連敗長沙圍遂解復由相從委鎖鑰自爾致迫遭賊北竄
 益陽北竄裏脅愈眾相從委鎖鑰自爾致迫遭
 郡縣相繼不守風鶴時時警沙蟲處處憐時湖南北被賊
 勢逾猖獗矣風鶴時時警沙蟲處處憐
 甚忠輸塞下粟時以軍勸捐籌餉以供軍用
 修忠輸塞下粟時以軍勸捐籌餉以供軍用
 各鄉邨皆立義團練勇防守以自保衛與官帆飽連江轉
 軍爲特角所向有功楚勇後遂爲天下最帆飽連江轉
 賊過洞庭湖入大江肆掠得烽高列郡燃賊陷岳州遂至
 商賈舟艦遂揚帆東下矣烽高列郡燃
 武昌黃經時成竹破千里失城堅賊由湖南至湖北二
 州各處經時成竹破千里失城堅賊由湖南至湖北二
 重兵故敢肆金印看傳舍徐廣緝逮問後復授
 其狂毒也金印看傳舍

比肩同時又授兩江總督陸建窮追心慘憺向榮自解

賊窮追收復所陷各城至武昌後特旨轉戰勢聯翩復

免其遣戍開復原官俄授為湖北提督轉戰勢聯翩復

黃州後時陸建瀛住軍九江已授欽差大陸才名著東

大臣控遏賊前兵勢連接不日可望成功

方節制專三江資保障九派控淪漣陸建瀛為兩江總督

江殊錫隨朝褫驚魂逐夕遷向既授欽差大臣復命防守九

風喪膽跳歸金陵生聞逮蘇建死豈追龐涓厚江甯將軍祥

閩署明三日不出生聞逮蘇建死豈追龐涓厚江甯將軍祥

藻合詞奏參陸建瀛失律有旨革拔旆姑山側廉訪張

職逮問而金陵已陷遂為亂民所殺拔旆姑山側廉訪張

熙宇統兵三千守小姑山隨制府弢弓采石壘陸建瀛自

撤營遁回安慶郡縣相繼失陷

兵入城自衛秣陵飛羽檄白下擁樓船並進竟抵城下

矣力竭中軍鼓誠揮壯士卷退守內城登陴誓眾固守奮

呼盡豐沛

內城爲明時皇宮舊基今爲滿洲城皆駐防將士所居

申詈徧嬋娟

賊攻甚急

婦女登城

擊銅器呼聲助戰被陷後皆罵賊不屈死

眾志魂飛憐

滿營軍士巷戰捐軀得脫者三人而

己孤忠血化鵲

城陷前二日方伯祁宿藻以積勞歾血旋病故

金湯墮巢穴天塹

惜蜿蜒此地龍盤勝前朝駿業遄樓臺爭照灼花樹闕清

妍鐙上千峰月鐘鳴萬竈煙芻茭騰士馬水陸饜精蠶玉

塵羣霏屑威弧久不弦冶游豔金粉簿領擬神仙疇實開

門揖俄驚倒柄據猴冠倏而戴

賊據金陵後營僞官室立僞官封僞黨楊秀清蕭朝

貴馮雲山韋昌輝石達開等有東西南北翼各王之目

虎翼自來驚

分陷楊州鎮竊江沿江諸城竊

據情何已

洪逆號太平天國僭稱天王

包藏勢自便

賊屢攻六合計窺中原向榮扼要截

堵不能進縣令溫紹

原防守三年得不陷驅羆日遺育狐兔暗勾連

賊潛通皖省豫省各

擒匪張落刑苗需河濟江淮泗相欽帥琦善攻揚州偽丞
霖等遙受其偽封由安徽北竄渡河連陷歸德圍開封旋攻懷慶三月不下
內閣學士勝保由揚州尾追收復所過州縣亦馳至時已
陝西命直隸總督阿爾經額爲欽差大臣山東巡撫李德
齊荆吳晉蜀燕懷慶圍解賊復由濟源山西巡撫哈芬會師
攻尾追及之勝保馳據趙城南要隘賊不能過郝光甲復
力戰敗賊於高河橋賊勢蹙復東竄由潞安出黎城關入
河南武安涉縣下臨洛關趣直隸時已命學士勝保爲
賊欽差大臣率勁騎由間道出十八盤嶺入直隸繞賊前
卻之與賊夾河而軍由河間抵天津迄不得渡嗣江南賊
復由單縣渡河北犯連陷山東十餘城據臨清援阜城交
河諸賊相距僅百里而遙時又授和碩惠親王爲奉命
大將軍督辦勦賊事務科爾沁郡王僧格林沁爲參贊大
臣帶兵會同勝保防勦畿南一帶築堤掘壕引水圍之賊
大困勝保馳截臨清援賊不得合旋攻破之追勦至河
殲除殆盡僧耶先後勦除高唐連鎮馮官屯餘孽生擒逆

首林鳳翔李開方等獻俘 闕下畿輔肅清咸豐六年金
陵逆匪內亂石達開分股西竄擾江西湖南貴州各郡縣
竄四川數年總督 十年勞獮薙半壁久腥羶岫負根基固
駱秉章討平之

形成指臂聯 賊復分據常州蘇州松江嘉興 豈無羣醜翦

浙江各郡旋復旋陷僧耶討平豫東各捻匪張落刑苗需
霖及悍賊陳玉成均以次授首大學士兩江總督官文湖

北巡撫胡文忠公林翼先後肅清江漢湖 終未首凶讐韜
南江西廣東福建諸竄賊亦次第蕩平

略元臣裕絲綸 黼座宣位瞻鈞秉重 晉公授鉞後旋

命比轂推虔 先時兵部侍郎曾國藩在籍團練帶水師在
總督何桂清以失律革職逮問 特旨命 號令持三省 欽

曾國藩以兵部尚書銜署理兩江總督 欽差大臣 兵戈自九
帥和春等戰歿復 授曾國藩為 欽差大臣 兵戈自九

總統江南北諸軍尋復 命浙江亦歸節制 皖省居金
天謀兼羣策力 大半皆其部曲 機搯上游咽 陵上游駐

軍祁門先後收復方岳連犄角湖督官文浙閩總督左宗

各郡縣以圖前進巡撫喬松年分扼賊勢左名都卷率然既克安慶連收皖

宗棠漸次克復杭州各郡兵部侍郎彭玉麟提督楊岳斌

矢陵防突豕敢浦截飛鳶率水師循江直下浙江巡撫曾

國荃提督鮑超由五道將軍出三吳露布傳李鴻章收復

陸路會師齊進臺臨雨花下曾國荃由丹陽湖力攻秣城抵石頭巔駐軍

臺相機環攻相持年餘大小進弼惟兄弟英彭實後先彭

數十戰鏖擊曾四十七晝夜麟楊岳斌率水鹿原都督逐陽各城金陵賊勢遂孤虎穴

師肅清江面總戎捫登破城先梯巘冲高鳥鎚幽動蟄蟪訝從天上下

肯許草間跼偽忠王李秀成匿鼠磔方碁急魚殃甚鼎煎

偽天王府並各偽王貫盈驚魄禿聚殲戢頭牽再覩威儀

府同時舉火自焚

矣如披雲霧焉簞壺迎絡繹士女頌喧闐訊讎經旬告戎

車六月還

時甲子六月也自五月三十日攻城起至六月十六日克之凡旬餘

攻彗芒銷建業

星夜達甘泉

六月二十九日捷書至都

兩聖謀垂裕

三朝率罔愆

逆匪起道光己酉庚戌間歷咸豐十一年至同治三年膚功告成廟算實本繼述也

英雄歸駕馭

神武妙衡銓愴往錄旃缺傷哉歲月延

賊自咸豐癸丑據金陵至今十

有二長圍期窟掃列陣待旗搴

先時

欽帥向榮督師進攻策長圍困之經營數載

雲壓鈴轅黑

咸豐丙辰年悍賊忽出焚大營十三座官軍失利向榮退守丹陽

星沈玉帳

圓向榮再集兵堵禦

魯陽戈再奮提督和春繼為大臣提督張國樑參贊

欽差

軍務復

精衛石空填

時帥營逼近城下又出死賊劫營官軍再失利二帥力戰退保常州先後

陣亡賊

效死誰奔殿偷生但左旋

江督何桂清防守常州遂愈肆

姓位留不許由常熟歸蘇州撫臣連營悲七百練銳失三
不納遂逃上海具舟船爲航海計
千浩劫逾青海妖氛劇白蓮歲糜秦氏級日費漢家錢剝
極時來復屯餘運轉圜崎嶇老師困倉卒久疴痊反側終
歸正東南慰解懸猶須哀痛詔可少治安篇湖漢仍淵萃
甌閩及腹鞭賊尙據湖州浙境未清餘處行看掃滇隴時雲
肅回匪再與奠垓埏雨霈新恩布先時特詔蠲減江南各郡縣重額漕糧
數百年民困始蘇及是凡被擾風行舊染湔時各軍招撫
各區積欠賦稅概予豁免出難民均妥加撫恤遣還復業山河同帶礪天地入陶
甄大雅詩誰繼中興頌待編願諧干羽舞拜手譜虞絃
雨夜柬定甫丈再用顧齋暑退韻

豈信鷹鷂逐偏成鼠器投吾徒甯有濟人事祇增憂歸夢
家山遠疏鐙夜雨秋文章懲抱石未敢附清流

感述三用前韻

慷慨終纓請馳驅班筆投爭言南國靖可解北門憂浩劫
同歸數孤懷善感秋澄清資上理豈止奠洪流

掩卷

掩卷步前楹涼月向人語露蛩雨後咽霜葉風中舉蹉跎
感年華局促成羈旅愁思共夜長挑鐙聽寒杵

問青過訪

門巷惟落蘚相依不厭貧官閒童僕散身嬾友朋嗔瘦竹

能如我飢鳥只趁人感君惠來意寂莫肯相親

秋夜東海老

寂坐宜寒夜幽棲稱野情樹風千百葉窗月二三更身世
總持拙文章不易名孤懷自多感非是爲秋聲
不信

不信海鵬化能令社鼠尊楚材甯實用晉政固多門勲業
百城在功名一劍存此身當自有未敢受人恩

詠史

征師百萬費黃金十載軍書動至今閩外幾聞推李牧吳
中更是送孫歆誰言白屋公侯貴不假潢池盜寇侵多少

成名緣豎子英雄戰骨總銷沈

雨夜不寐

寒夜無完夢歸心路易迷
鼾眠嫌竈婢多病恠山妻
危葉隨霜盡荒禽並雨棲
明朝有王事更去踏城泥

初冬

冬氣忽蕭瑟貧官禦不能有書
消短晝無夢竟寒燈庭積
兼風雪池封帶葉冰終然變炎
熱暫喜免蚊蠅

寄懷朝鮮李藕船

良時惜無多倏別儼數載寄我尺素書
新詩懷袖在翹首
若木華離思積滄海風雨休長憶恐君容鬢改

病起

靜臥稀言笑深居避友朋
東雅爭砌樹飢鼠覷帷鐙
徇祿知無補歸田病未能
乞閒已旬日多賴酒如澠

次海老韻寄酬子衡

珞瑜憐余拙羈棲見子難
儻能容避地未敢戀微官
雲樹燕臺暗霜風汴水寒
相思隔山嶽時展尺書看

梁苑尙兵革儲胥仗大賢
書生羞牘背壯士快兜堅
王粲從軍樂延年使洛篇
終期報知己莫卽賦歸田

乙丑

連日風霾

風勢昏難息庭陰晚更淒弱花當戶亞矮竹與身齊天地
易明晦東南尙鼓聲官閒容撰述未肯厭卑棲

悼亡 爲岳宜人作

出門不敢歸悵恍畏虛室夙昔同此居存亡倏幾日緘箱
餘故封掩鏡憶舊質抱影臥單牀宵夢心若失

命盡語不盡千慮隨死至切切平生心冥冥身後事封侯
未竟願營奠不到地富貴儻先知九原應收淚

偶然作

輪囷不相識只是逐塗泥性懶慣林臥官閒與隱齊好花
隨意放幽鳥盡情嘯三徑從榛草門前恐有蹊

蘆蕩出鐘聲圖爲孫石卿

毓琇

水部題

孤塔聳煙嵐秋寺隱蘆葦落景一返照雲霞天在水風定
聞疏鐘蒼然暮色起

曉起

披衣先鳥起曙色待窗西客久煙霞負身閒歲月迷竹抽
當砌筍燕落過牆泥鄉思付殘夢雲山識故溪

病起東孫萊山

毓汶

編修同年

臥病猶如昨春歸已隔旬竹疏通月色草長隱花身客夢
難終夜書聲不厭鄰竭來稀把酒非只爲清貧
送仲復備兵迤東

人生各有役豈不以寒餓聞君萬里行寸腸憂繫夥臨歧
空悵梔樽酒思促坐心知此行遠有淚不敢墮挺身濟時
艱忠信天所佐出此斲輪手活國無不可滇南正瘡痍延
蔓今已頗竊恐控制難覆車成災輟往者苟相安實忝
聖恩荷格鬪無甯歲心異族非我官吏務姑息萬事積一
懣焉知心腹疾不始肘腋禍古來反正才豈曰水勝火斬
亂勢自理此語未爲左火雲媚行色碧雞高鬼戕寒暑但
自保行行期最課

答萊山見贈

雨餘散涼颿炎月得秋氣須臾溽煩豁頓覺天地異坐冷

深掩關簾寒時驚睡人情易炎涼不待西風至

再送仲復

人海集冠裳每逐車塵動朝曛通謁面目隔山壟而君
復遠去誰與形影共歡會苦易盡日月輪躒送欲留意只
悲未行心先恐離筵出幽薊征衣換蜀隴不待別後思已
作西南夢

滇南昔名區今爲豺虎里官吏久不前一行適至此平生
誓報國叱馭固其理得地無美惡力行何如耳況聞大府
賢郊壘思雪恥焉知封侯事不自吾儒始鞅掌敢辭勞酒
酣可以起

青溪春泛圖

春波鏡中碧人移夕陽棹帆轉清淮長金粉開秀貌烽火
感滄桑江山白骨弔輸君畫中身煙水恣幽眺

夜坐東汪玉森

朝榮

侍御同年

客思先秋至流年付鬢華閒官書作友獨夜枕爲家螢弱
猶依草荷香不待花貪涼成寂坐庭樹漸鳴雅

再次前韻答玉森

珞琤從塵事蹉跎惜歲華羈愁偏在夜秋思豈惟家檻度
風前葉窗遷月午花征鴻渺天末得樹總昏雅

早朝曲

月明欲墮羣鳥飛飛呼啞啞相因依長河漸低星半沒玉
階影澹蟲聲微漏下魚關鑰初動花氣沾衣露猶重禁樹
風回傳遠珂疏鐘欲度曉霜擁長庚作作生東方棱棱角
尾森寒芒咫尺清光易相失歛見赤日升扶桑紅塵十丈
消煙霧車馬紛紛自來去輸與洛城玉川子將軍打門睡
方起

與仲復話別用玉森韻

欲去還成住征途望每賒離懷多寄酒孤客易爲家落日
燕臺樹秋風蜀道花遙知相憶處有夢到京華

僧耶輓詩

羣盜尙畿甸中原失重臣
奪公何太酷却敵正須人
匡輔三朝力艱危百戰身
由來天下痛不止爲籓親

諸將多侯伯論功獨不成
淒涼悲部落痛哭壞長城
白骨邱原恨雲臺戰伐名
天憂正西顧誰爲掃欃槍

次韻答問青

久絕侯王夢長甘留滯身
龍韜從有口狗監豈無人
涕淚深杯雨馳驅破帽塵
蓬桑少時志偏側已三旬

淀園風雪圖爲玉森題

霜風浙漑雲封樹一白
天地空塵霧玉山朗朗僊
中人知是淀園退朝路
悵望遺墟隔蒼煙攜朋
曾憶昆湖邊

余己未歲

與蔣子良洪幼元譚文卿諸同年寓淀園之雲山別墅閒時輒同步昆明湖
風雪依稀似昔年
低徊尺幅滄桑感

旬日面色瘠瘦詩以自嘲

寸祿雖早霑力難及醉飽每食甘蔬菜能使色枯槁平生
眞面目到處人能曉對鏡異疇昔驚忙欲絕倒一身已如
此妻孥詎相保秋風動地來落葉羈愁攪兵戈方未息膏
髓竭壯老嗷嗷四海中人多糠粃少幸未填溝壑何暇謀
梁稻臣朔飢苟免子由瘦亦好

次玉森見贈韻

爲恐軒窗竹門前亦懶行寒蛩枯葉出朽蘚敗牆生南國

方愁水西陲未罷兵高齋幕近市不厭是秋聲

再疊前韻答玉森

流落征西將關門不易行幾聞奉丹詔何以謝蒼生世

事杯中影經綸紙上兵安邊知有策莫只步虛聲

九月四日充日講起居注官紀恩

鳳噉初聯步鴛行許並肩簪毫依講幄曳珮侍經筵

禁鑰圖書富平臺獻納專願陳金鑑錄長此答堯天

秋夜寄懷顧齋

閉關謝還往窮巷似邨寂久客宛是家默隨寒暑易秋風
不相欺落葉滿簷隙故人阻山岳幽境思彌積京國望故

鄉音塵兩脈脈黃花已滿眼樽酒空盈席

籬菊今年晚秋來正待人去歲

余送別君句也

人生功名志多爲婚嫁迫索居動經年歡會知何夕勿爲守柴荆坐使鬢毛白

東海老

豈是簪裾戀空令泉石違貪閒憎客至多病喜官微矮竹難移節黃花不解肥人情從幻化久息漢陰機

卽事東曹寶臣

翰書

中翰同年

閒門只風雨日日肯經過病葉衰聽滿荒苔變迹多青雲從捷足滄海舊橫波身世但詩卷終慙負薜蘿

十月二十四日劉南卿

毓楠

給諫同年招集宅中賞菊會

者何馨甫

桂芬

蓉洲何青士

兆瀛

年丈三給諫胡心泉

興仁

侍御朱敏生

智

樞曹海老綢雲凡八人

今年病裏過重九菊天盃錯不到手平生愛酒兼愛花長

日愁心呼負負豈知嘉招值休暇復對花叢觴滿酒千枝

爛熳輝軒楹五色離披照尊卣節候甯嫌冰雪凜主賓喜

接東南秀丁卯詞客今陶公

謂海老

東籬自是君家有霜臺

濟濟羅羣彥

馨甫蓉洲青士心泉

偏向秋容肯俛首樞曹醉惜朱顏

醅

敏生

武庫清比黃花瘦

綢雲

嗟我餐英媿無術淡心忽

對忘言久自然痛飲愈頭風況復聯吟開笑口劉郎更展

題糕興此會與花同不朽相期共結歲寒盟好待梅花伴

冬友

不寐口占

風葉饗乾霜策策如有盜鄰雞覺余嬾先聲不待曉中夜
撫枕起惄焉憂心搗局促塵海中驚駿同一早及時競飛
騰咫尺異寒燠達官豈不豫慮分固難了浮榮本臭腐歡
華易枯槁千載儻相期一名何足道

峴巖山房詩集初編卷七

洪洞

董文

源研樵

丙寅

和玉森元日韻

未肯狂詩學少年憑將采筆掃風煙
屢陳讜議關民福共觀奇文快我先
賈傳終應前席問牧之漫許罪言傳
春來帝澤深如海莫向江湖憶釣船

次韻答張貽山

觀釣

侍御見贈之作

獻納甯殊大寶箴
三朝知遇感恩深
繡衣舊列郎官宿
霜簡能回聖主心
自許丹忱詩裏見
肯教華髮鏡中

侵股肱早晚思賢守無數人間望作霖

次韻答朝鮮李是迂

興敏

尙書

燕市相逢天一方頻年尊酒易星霜論交蘭結同心契寄
遠梅傳隔歲香自昔珣玕稱瓊異於今賓介盡才良重來
會卜征輶繼休向蓬瀛歎浩洋

答李竹秋

鍾淳

侍郎

尺書初傳自遠方

君來都時攜朴桓齋函

感君來問度風霜江梅薦

實官仍近仙李分枝姓亦香文采羣推楚屈賈科名猶慕
漢賢良相逢卽去還相念後會蒼茫限海洋

答金石菱

昌熙

編修

久聞君子國東方信託微波已十霜畫虎豈堪留爪跡雕
蟲長媿奉心香阮家青眼後誰繼馬氏白眉今更良君從
亭侍郎前曾歸向祖庭添故事聲詩爲道補漁洋漁洋論
奉使來都澹雲微雨小姑祠菊秀蘭芳八月時記得朝鮮使臣語果
然東國解聲詩金尙憲詩句也

次韻再答石菴

十二層樓集玉京列仙招我屢逢迎已聞滄海能求友君

因君從祖邵亭侍郎更覩金華快作兄余初識君於黃楚

始識張午橋編修北人方歌白雪連日譙集細雲輒遼西客已夢黃鸞用唐

緒詩知君吟徧瀛洲路不待春風綠又生

次韻再答是迂見贈絕句

賈客誰傳海外詩勞君未見許心知樂天持較余多幸親
接金莖承露姿

送文卿太守同年之官杭州

竹箭東南美文章著作精 帝心虛簡在澤國待經營維
楚多材彥於今見老成黃堂新治績青史舊才名氣得仙
班迴官聯憲府清風霜隨五馬日月送雙旌吳越初瘡痍
湖山日蕩平福星臨白屋時雨慰蒼生撫字深衷切壺漿
眾望傾自然拯水火況復激忠誠遠道愁分袂同曹憶結
盟十年頭責換千里客魂驚雲樹燕臺暗煙潮浙海晴懸
知膺課最旦夕謁承明

送趙又銘

新

贊善前輩于申卿

光甲

舍人同年冊封琉球

海國資藩輔

中朝重俊髦

帝心柔遠服星使接仙曹

綸綍雙旌奉威儀一品高

殊恩通絕域豔景出神臯日

彩黃金冊天香紫錦袍寵行擬鼉監講德比王褒沙漏更

程驗樓船結構牢閩潮回巨艦蠻雨濕征旄葉壁空懸翠

梅洋綠動篙翳霄垂大翼飛雪駕靈鰲神鬼從呵護魚龍

定遜逃晨炊淩渺渺夜宿記滔滔指景千年樹排雲萬疊

璚由來杖忠信不止利波濤地勢彭湖接山形首米遭島

聞新土宇天際古城壕士女爭除道君臣待獻醪蛟宮迎

寶錄鳳詔灑春膏喜睹圭封盛歡聞譯語嘈如瞻顏咫尺

尺其荷 聖甄陶象寄書同達朱離韻自操裝應空蕙苴
宴更啟蒲桃禮樂夷風變聲名賈客豪輜軒勤錄採萬里
豈徒勞

城南卽目遇雨小憩龍樹寺

尺五城南路尋花憶舊游煙郊仍淑氣芳草自平疇柳色
半藏寺春陰多在樓停鞭方惜別風雨爲淹留

次韻荅玉森

白日長多事輕雲只是陰甯隨時晬晚且與眾浮沈飛絮
欺愁鬢繁花逆客心春明詩社散無夢盍朋儕

愚園觴月圖爲頌臣京兆題

月照無賢愚到眼卽吾有獨坐勸孤觴對影且成友況此
園林暇四五高人偶吏散文書稀落日放衙後清光入杯
底揮之常在手何必愚公谷共醉賢人酒

示寅兒

阿寅吾驕兒眉宇清且美倍荷大人憐幼不好弄戲當時
賞兒慧謂可光閭里自我來京師於今殆一紀高堂知我
念時言讀經史憐我不如人倚兒爲後起昨兒附書來云
已鉛槧喜請爺選詩文丹黃訂臧否文解讀蘇韓詩愛吟
杜李爺昔授經時與兒今相似嗜好與時殊強言百世俟
譬如旋磨馬日行無尺咫心知不能爲鈍拙固其理兒勿

學爺爲覆車慎前軌科第所取資帖括而已矣便可致公卿豈徒老文士古來名山藏顯揚非在是得失固云命惟人自致耳願兒當跨竈發軔期所始會破萬里浪勿鑽百年紙

汝曹

索處寡歡趣新知厭紛擾此心復誰同翻羨孤客好衾枕而楚越異夢各昏曉幼壯本殊情那能卽嗔惱非無兒女懷氣奈風雲少鬚眉猶自憎修蛾豈足道從來新故間不在矜手爪我何隨汝曹此語惟杜老

朝鮮徐茶史

堂輔

侍郎招集松筠菴諫草堂會者子穎午

橋細芸願齋分韻限茶字卽題子穎所繪松筠雅集圖

嬾散朝官同海客蕭疏僧舍抵山家共瞻諫草留青史豈

有新詩障碧紗半日談容筆代口三蕉飲許酒當茶茶史自言

能飲三蕉葉他年圖畫勞相憶記取堂前竹影斜

七月初五日鄭康成先生生日願齋子穎玉森招集諫草

堂展祀餞飲朝鮮徐茶史洪眉軒醕學沈綾史裕慶分

韻得石字

竹徑交翠陰松窗啟虛白微雨勸新觴蕭蕭互主客是日微雨

遙稱前賢壽再訪名臣宅絕學仰司農懸弧溯通德撰述

千載心典型百代式先生昔豪飲一日能三百我輩復此

會中外天不隔涼颿起庭樹秋意動几席蟬聲喧晚晴草
色淨深碧時物自多感況當送行役風塵後會少聚散浮
生易關門楊柳疏努力盡一石

初秋晚興呈顧齋

天氣異朝夕炎涼一日中晴雲時帶雨晚樹易生風陶冶
資羣物文章付化工誰能豫趨避不復訊窮通

紈扇甯終棄青燈許暫親頓驚新節序漸異舊星辰修竹
深藏月飛螢暗就人喜隨煩熱減病起漫盈旬

暑退人初健天高日易曛秋聲多在樹雨意半成雲薊北
方憂旱關西未策勲涼風何太早幸待息紛紜

海上三千里空中十二樓
幾人曾折角何事待焦頭
薄酒難成醉孤懷自覺秋
連朝陰雨近猶得計綢繆

再疊前韻答顧齋中元夜興

庭戶空明裏星河歷落中
幽懷宜靜夜瘦骨獨秋風
司諫知何補陳詩謝未工
勿言終小技亦自判窮通

清興杯中減方書枕上親
好山留宿約隔歲負芳辰
儘有棲巖客甯無躍冶人
功名紛眼底幾許待宣旬

簷溜晚初歇庭陰尙夕曛
深交懷別雨久客羨歸雲
待詔無雄薦臨戎有顧勲
西風未搖落詩思已紛紜

湖海餘豪氣登臨尙酒樓
會當聯軟腳莫更問長頭
鬢雪

從催老心霜豈爲秋相期同此夜歡影盡綢繆

三疊前韻答顧齋枉贈作

三十年來命

用孟句

相依鉛槧中京華仍旅夜落葉又西風

靈鞠才兼退崔駰宦避工何因勞拂拭未肯棄苓通

動我十年悔因君萬卷親難銷惟壯志易失是初辰霄漢
多佳士浮沈固衆人馳驅妨閉戶努力望兼旬

吾子邃經術窮年忘日暝名誰齊郭李世只竝淵雲旅進
甯初願空言或素勲知音希乃貴非笑任紛紜

幸許連蝸舍相期造鳳樓青回嗣宗目黑惜總持頭佳句
從關命寒吟未礙秋深心謝明月雙照語綢繆

次顧齋夜坐韻

片葉下庭樹，閒雲來晚窗。孤懷唯自覺，秋意漸能降。竟夜開書帙，無人倒酒缸。一燈兀相對，形影坐成雙。

贈方午橋

壯猷

光祿

遲暮仍京國，優游且散郎。猶耽步兵酒，自識大官羊。松竹同三徑，琴書共一牀。幽棲容撰述，不厭此心長。

頗性嵇生嬾，胡爲戀我曹。冰霜交自古，寒餓氣能高。小隱成都卜，長歌楚客騷。閒門少車轍，時許訪蓬蒿。

齒痛絕句

劍戟生喉舌，呻吟茹吐難。妻孥渾不解，時復勸加餐。

春風林響第二圖子穎同年屬題

前圖羅兩峯山人爲方笠塘蘭嶠兩先生作弟

二圖則秦誼亭學正爲元仲子穎昆季作也

春風自年年匹馬知誰省如何塵中轡忽向天街竝畫圖

見二難共踏金鰲頂先後七十載華萼齊彪炳花月古揚

州君家獨管領驛路新詩續文場舊夢冷鴻爪更追摹驥

足再馳騁膏雨隨咸秦

元仲太守需次秦中

瞻雲久樞省

子穎比部由中書入

直樞

豈直間里光還思先芬永長安今幾秋羈宦仍許靖

尚憶計偕時聯翩出鄉井

余丙辰計偕入都時燦弟以優貢應部試同來

披圖許

方駕快躡春風影

秋夜校碑圖潘伯寅

祖蔭

侍郎端丈屬題

一葉高梧墮金井蕉窗雨歇琴書冷卷簾月色生微涼露
下空庭夜初永庭前翠篠影參差眼底牙籤光陸離展紙
心識隱几處挑燈興同掃葉時潘岳少年文章伯漆書金
簡無不識網羅直欲周秦過點畫更將蟲魚析對畫簾何
空自嗟索居同巷卽天涯儻許過門時載酒還應奇字問
侯芭

喜丙卿同年至都

又對中秋月依然別後容經年書幾達半晌語無從舊雨
猶懸榻孤雲少定蹤青山歸未得何計慰離悰

送杜鶴田

瑞聯

侍御同年出守寶慶

持衡曾記築騷壇楚澤重瞻解豸冠已喜文翁親教授

豐咸

戊午君曾更勞杜母慰凋殘地鄰仙井丹砂冷路入蠻溪

白馬寒青草湖邊迴首處可能清夢憶長安

次韻答楊柳岑

鼎來

水部見贈之作

少小負奇志京華見豪客爽氣森鬚眉英光動几席忽作
經年別曾爲萬里役新喜佳章投舊釋離懷積興酣劍斫
地性決火裂石壯士甘出跨豎儒肯扶腋力扛百斛鼎勇
碎千金壁幾揮爭池拳叟擊行酒憤瓢瓠臂張弓擊鬚鬚
奮戟真堪將十萬何止踊三百天地猶風塵功名今草澤
徒令馬上身間向詩中適我家亦幽井結客憶疇昔短衣

餘爭買徒手險能迫伐兔郊秋寒呼鷹草春碧高歌鬼神
驚快意乾坤窄磊磊一身膽翩翩九霄翮立希功德言坐
致公侯伯十年溷朝市終日守簡策歎君尚席帽對我空
逢掖小技謝龍屠長吟味熊腊相期掃徑待此事勞意逆
九日登高招集柳岑玉森小樵丙卿顧齋姚沈溪

東濟比

部小飲市樓再疊前韻答柳岑

登高困百事光陰惜過客佳會聯冠裳長宵接筵席市樓
俯城闔日暮羣動役擾擾同一聲塵土萬響積蒼翠依檻
山參差臥階石涼飈腳地起習習鼓雙腋爽氣橫金天高
標映玉壁坐驚快焦辨風落笑嘉幘狎主酒軍盟森然各

予戟罰飲甘依數深杯不辭百執螯畢吏部掇菊陶彭澤
愁去清興發耳熱酣歌適視身兀如泥倦眼傲今昔頓覺
天地暄焉知寒餓迫窗燭增長輝膏騰亂朱碧深腸出芒
角滄海爲之窄頻年負良辰喜此振高翮況逢知音侶歡
然見詞伯雲龍共追逐駑駘許鞭策夜深星斗斜觚棱暗
禁掖街衢罷殘柝杯盤餘枯腊果知新詩來醉語非億逆
三疊前韻答柳岑

生當隱江湖合作垂竿客不然致澄清登斯民衽席焉能
效寒蟄促局文字役徒爲雕刻勞坐令歲時積吾子量霞
海羣才兼一石餘事爲詩文婆娑鼓吟腋聲價貴兼金詞

華燦雙璧中歲學兵符侃侃譚露憤奉命衛里閨從戎
臨檠戟敵曾破一再氣可奪千百奚事耽苦吟而不賦同
澤唐代數詞壇達者惟高適詩句窮乃工後視甯殊昔況
今時多艱宵旰憂勤迫金天尙風煙慘澹不成碧疆吏
計畫少黎民糠粃窄乘此剝復運高振扶搖翮安知一戰
勝不爲九州伯勲業君擔荷文章我驅策紀功勒燕然奏
雅獻鳳掖自笑按枯腸終慚墜乾腊舍彼而用此忠言勿
耳逆

送頌臣方伯之官河南

卞公經世才洸洸廊廟器四十出旬宣河洛縱英轡三年

尹京兆勞心急撫字外籓用廷臣 聖主有深意朝官多

慕外誰復憂顛躓公具澄清略濟物可隨地此邦天下中

十載暗烽燧況乃杼軸空軍食困糗糒從來凋敝區不止

患貧匱撫綏非一人激揚視羣吏開府李使君

謂子和中丞前輩

帷幄集眾智二公得益彰足以成臥治霜風辭薊門紅葉

色如醉深語惜離樽促坐戀征袂清峻克家賢

尊甫光河先生曾任

浙江布政司馳驅報國志行行樹佳政蒼生待公至

萊山過訪

朝退容吾嬾高軒肯數過霜鐘出林遠風葉下庭多薄宦
成瘤贅勞生但寤歌相期寒夜飲聊與補蹉跎

答徐亞陶

寶謙

比部同潘紱庭嫵丈游白雲觀聯句作

十年郊寺隔每憶白雲幽

余丙辰春曾游此地

忽枉故人贈恍同前

日游琴臺楓葉冷丹竈菊花秋空是城中望徒歌媿倡酬

初冬雪夜杜石生

瑞麟

孝廉過訪

閉戶忘遲暮閒庭尙草萊風交殘葉下雪共故人來從宦
終羞拙論文敢負才喜君能乘興尊酒莫辭開

贈丁湘雲

源漢

處士

十年鄉國知名久寸步山河識面慳豈有報瓊投木李而
勞載酒枉柴關書窺韻籀斯邕法詩在錢郎沈宋間朝事
匆匆朋會隔雲龍幸許共追攀

玉森夜訪

空齋絕還往寒竹其岑寂驚飈動霜葉颯颯亂人迹同巷
招尋熟幽興無主客不須持酒尊深語已中夕

病中作

同籍雲霄在相逢有幾人文章虛衮衮車馬自磷磷入世
奚長策違時況病身經旬容卻掃未敢厭緇塵

疊萊山過訪韻答玉森

似子封章富云誰膽力過吾方憂道屈人已患才多身世
愁中遣乾坤醉後歌蒼生待蘇息諫議豈蹉跎

感述三疊前韻柬問青

自笑蟬編守空慚駒隙過官閒投刺少客久夢鄉多報國
誰肝膽憂時且嘯歌同舟期共濟吾意敢蹉跎

四疊前韻再答問青

三徑惟黃葉當風不厭過故人隨日減詞客得秋多僅欲
棲枝借甯聞擊楫歌蒼生持底謝卑宦未蹉跎

次方午橋答友人韻

豈有封侯骨長吟寄此身官閒容守拙性僻肯因人夢裏
家能到愁邊酒不春多慚詩卷富贏得鬢毛新

歲暮述懷再用前韻

文字成何補羈棲況病身凍雅猶選樹飢鼠亦欺人雷雨

昔年志烽煙故國春盛時坐銷歇漸逼歲華新

十二月朔夜與顧翁坐話

每次從深語相看漸老蒼坐忘容南郭吏隱笑東方飢不
將書療心爭敵髮長閉門同寂寞何事話行藏

東海老

幸有吟中趣微名亦偶然菲才容綬佩

時顯皇帝實錄
聖訓告成恭進在

館諸臣前期演禮初入日

上御

好夢只林泉止酒甯關

殿受賀臣渙以纂修官廁班末

病齋心或類禪報恩知未易差少受人憐

贈太師祁文端公輓詞

論道謨長在傳經典尙存河山三晉壯冠冕四朝尊大筆

推燕許高名繼潞温十年新事業齎志待貞元

公絕筆詩有上元事

許文恪公師輓詞

吏部文章在寢門哀思多蒼生無望日碧海有橫波惻愴

山陽笛淒涼薤露歌乍聞辭北闕終是痛西河

今年秋哲嗣仁

山閣學卒恩賞伊子舉人師親詣闕謝恩

耆舊成凋謝哀榮復幾人四朝留碩輔十載仰清塵故國歸無日同門慘不春執經今已矣山斗暗傷神

送胎山太守之任施南

楚甸分符出臺端重此行風霜前日事江漢故人情地入

烏蠻路山連白帝城羣苗方嚮化慎勿滯雙旌

送沅青觀察同年之任迤西

祖帳臨寒臘鳴騶別帝畿送君炎傲去喜是故鄉歸路

入牂柯險霜隨解豸威南車儻回顧早晚待彤闈

送蓉洲觀察之官閩中

柏署聯翩出南行不可攀宦游臨海國歸夢越鄉關航句

聲名舊巡方撫字艱近聞消瘴癘莫漫愴離顏

送南卿給諫同年之廬鳳觀察任

淮南兵燹後君去慰凋殘霖雨恩初布風霜草未寒離樽

辭闕遠客樹近鄉看若見馮唐問

謂魯川

羈棲尙一官

送青士給諫年丈觀察武林

老輩瞻風義霜臺復幾人
旌麾鄰故國保障藉儒臣
甘雨車前化明湖腳底春
知公先澤永不厭舊清貧

峴巖山房詩集初編卷八

洪洞 董文渙 研樵

丁卯

夢中得句

是處垂楊是處溪長條那復戀長隄空餘蜂蝶喧春莫猶
有鸞皇入夜棲青眼于人既無分黃鶯從此不須囀憑君
好囀西河水流到陽關莫更西

得樹南侍郎同年書卻寄

自作屏藩寄書來動隔年殷憂誰共語衰態敢私憐車馬
東都盛星辰北闕懸當今滄海靜強幹有親賢

十載同門友甯堪老大身愁邊唯寄酒病裏只驚春魑魅
欺人慣鶯花惱客頻終期開逕待容我吐車茵

送丙卿出都

又作春明住追歡已隔年君行應自計此別豈徒然事憶
傷心處情深把臂前倚閭容暫慰未敢卽歸田

送伯寅司空嫺丈奉使盛京估修陵工

龍興王氣肇長山拱護陪京碧海環六祖弓刀儼天上
五陵松柏自人間唐臣虛擬登臺望漢使俄看秉節還
爲弔令威雙華表知君佳句滿渝關

題亞陶環翠軒賞菊圖

雅集山薑宅君來繼唱酬

君所居卽田山薑司寇故宅

客邀三徑月花

占一軒秋吏隱心同澹詩豪酒共浮何當容把臂爛熳畫
中游

悼幼子

天折信由天生之果何意厭生謂汝切其如未知識無言
方半載奄忽亦成世咳笑宛在目文祿遂長委亦覺非人
情埋憂奈無地猶存未了心還汝千行淚

程荀叔

守謙

明經來都招飲酒市賦贈

程侯文章何磊砢氣吞江海搖恆霍頻年聚散幾浮萍半
世漂泊一孤鶴燕臺走馬冬復春讀書千卷思致身豈知

朱戶階前地徒接白首窗下人去歲客走大梁道今來相
見顏色好秋賦不辭行路難雄心肯使入幕老論詩說劍
同高歌往事回首傷心多相如誰識凌雲賦李廣空聞射
虎過勸君且盡杯中酒相識悠悠亦何有但當痛飲築糟
邱何用浮名飾芻狗君不見干旌子在郊城旁招俊父
及滄溟高官厚祿爭先足豈在終年窮一經

送沈鷺卿

錫慶

編修前輩出守兗州

紫泥銜詔下雲端五馬雙旌擁史官八縣分符親聖澤十
年橐筆夢長安郊連齊魯民風古地接淮徐道里難他日
政成憑寄語問君何以慰凋殘

送孫駕航楫給諫備兵粵東

孫侯骨相饒奇格秀眉白面方顴額少年甲第喜崢嶸壯
歲功名瞻煊赫霜臺十載盛知名備兵初作嶺南行挂帆
夜宿天邊驛伐鼓朝過海上城粵嶠形勝天下最盤江西
下一都會還珠自昔推神君標柱千秋頌遺愛卽今列郡
靜風塵還需甘雨隨征輪兒童遙識新旌節父老爭看舊
諫臣崎嶇叱馭從茲始平生讀書正爲此瘡痍何止蘇疲
氓勲業應是報天子薊北黃雲麥氣秋丈夫輕別肯言
愁贈君不用龍泉劍燕領終知萬里侯
海秋前輩屬題母孫太安人遺畫

孝子心上血慈母篋中蹟經兵燹播遷信神物護惜合浦
熬去珠秦庭終歸璧遺教留經史畫荻感疇昔藏一卷淚
痕存千秋手澤

送英續卹啟侍講出守黃州

君家兄弟擅詞場甲第先後相輝光伯兮秦中飛仙舄君
也天上侍御香竭來宣室承召見至尊前席人爭
羨十年金闕司清切一朝青綬荷恩眷黃州城下大江
環吳頭楚尾指顧間漢樹西連武昌驛湖雲東繞木陵關
卽今風塵尙瀕洞羽檄飛馳兵戈動蒼生慈母思龔黃
中朝循吏出賈董君才磊落軼羣倫瘡痍千里待經綸五

馬豈徒瞻治績三戶差喜得儒臣炎風六月飛七澤翛然
誰識二千石客裏江漢一舟輕夢中星辰雙闕隔都門帳
飲送行旌分袂同曹不盡情未礙庭趨操手版懸知殿最
謁承明

同萊山顧齋喜雨聯句用老杜空山中宵陰韻

早蠹彫枯榆

軒

溟鯨涸瑤席雲峰兀孤黃

汶

雨勢黯空碧

泡幻當砌地

汶

瀑喧倚檐石陰陰室藏明

軒

的的池跳白

瀉竹瘖風鈴

汶

翻荷矗霜戟詩瀾開混茫

汶

酒渴恣驅役

倒峽聲轉雄

軒

夸河氣無敵槁興原野動

汶

潤襲枕衾適

課驗桑林鳩

汶

賞歡茅屋客誠祈慰我

皇

軒

舞雩紀今

夕 汝

重裝九蓮菩薩畫像歌兼寄朝鮮朴桓卿尙書

雲冠星帔開珠瓶瓊瑤百寶光青瑩圖畫萬厯年間作后
像乃以菩薩形菩薩功在明社稷神廟踐阼方冲齡天生
聖母佐天子應附寶電女節星護視起居敕左右監面扶
掖趨闕廷江陵顧命勤講幄納誨出入交砥礪法華瑞感
銅鉢產夜夢大士親授經閣臣祝釐申王許瑞蓮賦獻宮
慈甯承平治姬女堯舜物力殷阜四方庭大置梵刹賜湯
沐浮圖矗天風含鈴三生微妙現法相勒以石繪以丹青
滄桑閱世三百載展圖仿佛留英靈豈非慈悲大神力厯

劫不壞呵幽冥日銷月鑠半剝蝕漸失豪髮餘模型海東
故人昔謁拜撫迹感事心涕零兼金附書來千里精誠歷
告語叮囑緹襲篋笥戒僧守巋然屹共雙碑亭墨本重榻
代張壁朝夕頂禮虔香馨作歌紀事報我友時夏五月歲
在丁

送萊山典試之蜀

炎風鑠畿甸使星輝巴蜀心隨征輶遠情共離筵促與君
結昆弟十載義肫篤昕夕時過從形骸忘拘束同飛醉月
觴婁刻催詩燭樸質本性親訓言殷忠告此邦昔名郡山
川毓清淑鬱鬱氣效靈森森物呈俶俊又切確砥沈埋久

巖谷三年賓興典知己望品目文章飾太平竊發易中鵠
爨失焦尾竝聽誤勞薪爆誰憐楊朱窮空憫卞和哭君秉
兼人姿經術飽笥腹陰成舊桃李樞待新棧樸觀風命太
史此事信推轂定知西南美今行富采錄羣當空冀馬逐
肯失秦鹿網羅靡遺珠真偽豈間粟斂才去一矜得士愼
三復劍閣高千仞巴江回幾曲會作凌雲游詩篇壓歸麓
與顧齋坐話感賦并柬

少秉迂拙性自非廊廟器徒以歲時資局促末僚寄羣彥
滿金閨擢遷恆逾次蹇質獨蹉跎強言託隱吏日積非一
薪後來妨前至三山自蓬萊咫尺風多異聖代殷求言

曾不遺末議位卑亦官守獻納豈無意好直終世迂近名
固身累後死知安付一編且吾事

次韻答顧齋

身不登要津待時且藏器焉能徇微官出入戶限寄吾子
飽經術瀛寰羅胸次常懷澄清略豈屑風塵吏知己自長
安甯無口惠至青雲諒有媒祇覺步趨異燮理運權衡臺
臣猶罕議法令劇牛毛奉行但從意天人焉可測榮賤俱
爲累何須負郭田歸始西疇事

三疊前韻

利百乃變法功十乃易器豈有當盤錯而不審所寄外攘

資內修武力猶其次不聞百工爲驅策雜羣吏禍變矧非常智防固云至焉保黠虜心不隨族類異至設終末武反射甯免議先王判畿荒閉關有深意權宜計目前奚暇憂後累用夷而變夏上治無此事

次韻答荀叔

伏枕嗟公幹下帷慚董生天高唯暑氣地僻易秋聲舉世身何往還家夢不成愁聞中澤雁豺虎況縱橫

粵人有以西法爲余寫眞者絕肖

鏡過能蓄形嗟哉技至此面目隔平生平生面目是不改蹉跎影依然憔悴身與余忘形者獨有鏡中人

病起來顧翁

羸馬從人慣離筵祇客忙空聞 召宣室同是賦明光病
裏親朋隔愁邊日月長卑棲容守拙非敢薄淮陽
雨霽獨坐

新竹雨抽梢漸添徑陰曲清風不相避相就伴幽獨睡起
鳥雀閒衣襟半窗綠

古意

共道青山好青山在何處青山自門前不見青山路
晚晴期玉森過

空庭昏夕陰簷雨猶殘滴樹杪獨斜陽演漾浮金碧溽暑

祛舊虐清涼襲新澤萬籟爭一秋孤螢出半壁心與良宵
永愁隨小別積衝泥期早過濁醪盡餘漈

柬伯寅丈

未許承優詔空教學醉歌生涯今若此知己更如何夜氣
侵衣薄秋聲傍竹多雲霄肯相待夙志敢蹉跎

七夕次顧翁韻

雲漢經年隔星橋此夕同雨兼三伏外秋竝四愁中勳業
從推宋文章謝薦雄閉門安我拙瓜果付兒童

題黃香圃采芝圖

高山自莫莫英爽迹如掃不見采芝人療飢空瑤草而君

千載下抗懷追綺皓精餐煙嵐鍊質棲雲島未知簪組
榮只覺林泉好肆志非輕世畏人異懷寶深谷歌唐虞長
鑣同野老遠從赤松游近訪黃石道披圖見清風望古緬
遐抱伊吾靈根淺閑放不自保安得棄纓紱眾芳從幽討
秋夜雨坐

秋風吹落葉片片上人衣夜雨流螢火星星入我幃螢流
無定照葉落有還飛物自乘時運吾方驗化機

挽魯川觀察

早達知名久忘年獨有君那堪別離後遽作死生分短札
曾無到春初君專使來都曾附書以歸迄未見答箴言不可聞蕭條游宦蹟誰

為護遺文

南國傳賢守西曹屬老郎世方資魏尚才豈棄馮唐幕府

三年客君出守後曾為勝帥軍書百戰場君初任廬州太守時潁州戒嚴

君守城四十餘日未之任江淮遺愛地君以皖南道署皖

病卸任甫兩月遂不起大樹日蒼蒼

豈卜他生晤空思入夢親拜牀猶昨日推轂更何人翠羽

終成識君嘗言少時凡仙贈詩有翠羽迷離之牙衣知有

因君深於命學自推五平生書萬卷無子繼清貧君繼嗣

早逝

並世文章伯於今幾輩存劉蕡容哭寢宋玉漫招魂夜雨

傷燕市秋風愴雁門淒涼蕭寺奠樽酒忍重論九月初五日同人設
位於慈仁寺公祭緇雲爲之文

雨後期伯寅丈過

一雨迷昏曉空齋嬾只眠苔痕侵砌草竹翠借鄰煙清景
猶前日秋心異往年能來謀一醉幸有杖頭錢

經院署有感

十年方補外補外亦蹉跎科第慚先達飛騰讓後多葡萄
甯許換苜蓿自能歌回首金門路何時定再過

疊前韻答顧齋

人生鮮適意何地不蹉跎歲月車中老功名馬上多從軍

空蓄志負未會興歌下澤容偕隱論文日夜過

重陽玉森招同朱寶甫

學篤

太守張伯子良願齋小飲市

樓倒次前韻答玉森

今夕猶前歲高樓載酒過清歡歎成夢佳節且當歌主客
尊前換風雲塞上多籌邊方未暇吾意敢蹉跎

蔣蕉林

繼洙

樞曹招集潘星齋

曾瑩

侍郎嫺丈黃孝侯

鉅

少司成伯寅兩前輩寓齋賞菊賦贈

爛熳幾叢花殷勤數行酒客散壺觴空無言入夢久折花
記贈君醒歸花盈首

哭玉森同年

長安百萬家日日歌哭密而此歌哭中頻見故人失竭來
君過訪方示維摩疾豈知暫別地已是長別日清風偶然
來塞帷如相卽平生家國懷及此萬事畢惻愴馬融笛淒
涼陳蕃室空令疲茶人掩淚對殘帙

有客

晨有客來過謂我何跼蹐朝官競慕外冠蓋日絡繹矧子
金閨彥再考三載績十年親筆硯一朝事矛戟西陲日烽
煙列郡紛破析身隨無一人欲去竟安適與子同官者扶
搖振高翮旣幸無愆尤云何遠行役得母時鑿柄不善自
區畫胡弗稍改弦直尋而枉尺叩頭謝客言我本漫浪客

疇昔忝京僚侯門久絕迹步趨異軌轍雲霄分疏隔屬幸
公道開乃蒙王事迫不然盡富貴誰復任艱劇四海方未
靖一身焉所惜涼州雖云遠猶可噬枯腊時甘肅得人相食得地無
美惡此言自古昔遠謝鵷鷺侶勤修魑魅職去去勿重陳
干謁非良策

檢舊書有感

書叢半世如枯蟬結習生小性所耽博學常思追任昉聚
書每欲希桓譚當時未行萬里路柵載那計隨征驂連牆
架屋恨難足此樂不易吾心甘春明一侈事奔走卷束往
往封塵函猶幸枝官飽閒放海王邨畔時幽探更從鄰好

乞佳本夜闌燭盡猶勤勘豈知離合到簡冊鋒車關塞趨
趁趨頻年按羅終何益行篋無十之二三自顧四壁曾不
保檢書未竟中懷慚百不如人賴此耳併斯不畀夫豈貪
舊墨過眼歟隔世春夢回首成優曇仕宦不進學亦退局
促似我真何堪且呼長恩酌酒拜投効終當同一菴

次韻答海老見贈作

已罷游山興

重陽後與君約游西山不果

還同倦鳥飛寒花負佳節落

葉欵深扉文酒容多暇田園豈易歸一麾方未了終媿釣
魚磯

史琴孫

松秀

樞曹同年餞別寓齋賞菊枉詩見贈次韻奉

答

罷酒華堂月倍明
寒花惜別且逢迎
十年聚散聯吟地
萬里馳驅報國情
冰雪已拚籬下老
烽煙況是客中程
都門木落邊風起
不待玉關羌笛聲

冬月市樓眺月與顧老小酌用壁間韻

常忝文翰侶
所期清要津
豈知百僚下
埋首猶常倫
雖習簿書勞
祇是鉛槧親
吏治且殊轍
歧途安所遵
歲月坐銷歇
關河潛悲辛
濟世思才傑
登高惜荆榛
微雲滓太清
月色不能真
天道信莫測
人事難重陳
旣無巨川用
行歌付垂綸
昔賢昧此義
往往成因循

秦誼庭

炳文

農部爲作投筆度隴圖自題

朔風捲枯草天地動寒色
冉冉歲將晏坐爲周南客
豺狼滿畿輔深憂在肘腋
出門已榛梗單車況行役
黃卷成身累白金向誰惜
平生所逃逋及此轉窘迫
生事誠可虞嚴裝更何適
世情務炎涼歧路幾肝鬲
迢遞秦隴道艱難幽薊夕
投筆媿定遠出山悔安石
信知行路難何事拋簡冊
與顧翁坐話

其念成乖別相看惜夕晨
黏窗蠅就日窺案鼠親人
青眼休尋客黃金不向貧
兼旬謝籌策百計總因循
將之甘涼出都留別同人

廿載依承明一官容珞琢方隱南郭几且飽東方粟聲華
荷良朋援引鮮貴族宦味免待株壯懷魚緣木嘗思効涓
埃焉能守簡牘誰識命屯遭還令行躑躅蕭散石渠署迢
遙涼州牧維茲疆徼區自昔爭戰局前張旣虎視後李更
鹿逐地仍千里赤莽已三歲伏軍書紛旁午旅客憂信宿
所媿末僚質謬當國士目進之成柅繫退之終藩觸胸慚
龍豹韜心畏蠱蠱毒杖策難爲別捧檄一何速去去違鄉
縣行行親僮僕自倚丈夫勇不作兒女哭敢謂恩能報但
期力共勦元老奮霆雷羣材盛械櫟安知圖麒麟不在蕩
虺蜺回首惜親愛忍淚勸醴醪易水照執袂秦關待轉轂

遙想羌笛聲如聽隴頭曲草接敕勒白山連武威綠邊愁
正浩淼客思幾斷續塞上故人少尊前別日促盤錯隨所
遭賢勞使豈獨吾謀儻可用天道會來復不然謝冠裳從
此事齋捐達人觀晚節遠道慎時勸

次顧翁韻

客路勞長計鄉心只自嗟青山尋舊夢黃葉滿貧家竹錯
凌霜節梅期待臘花淹留豈無意非是戀京華

聞陝匪已至平陽憂憤有作

喪亂復今日我生何太頻驚聞桑梓地再與虎狼鄰壺口
烽煙暗姑山戰壘新何當四郊靖幸作太平民

日覺訛言至從無吉語傳荆榛何處避邨落幾家全羈宦
悲千里離鄉感十年瘡痍知滿道不敢卜金錢
道里甯堪問懷歸悵奈何誰憐小兒女早已閱兵戈旅夢
驚心數愁腸入淚多鄉書斷消息縮地望山河
但使高堂健敢云行路難那堪聞慰藉只是益悲酸大吏
方堅壁將軍已築壇亂離應早息甯復計微官
遣僕西歸

敢惜經時達崎嶇間道難知余常悵望仗爾報平安家舍
風塵隔關河歲月闌天恩終意外幸早理征鞍
贈陳慶雲

國瑞

侍衛

羽林朝拜出幽燕歌雅投壺眾口傳躍馬身親平巨寇登
壇年少繼前賢近聞鼓角喧三晉爭訝將軍下九天運用
知君妙方寸不須更進六韜篇

猶聞

故國堪流涕羣賢方自謀爭言命諸將何以解宸憂草
竊能無起桃源不可求猶聞禰書薦更欲覓封侯

莫令

坐失山河險誰資節制雄趙雲嗟已老陳泰竟無功見說
龍門上爭傳馬首東莫令成網漏再使潞川空

擒匪已出晉境竄河南濟源矣

未信挺而走終知飽卽鸕桀誰容出兇牢待補亡羊枉矢
憂河北驚弦動太行從來移禍地彼此各封疆

喜家書至

辛苦到何易尺書開視頻亦知無隱語猶欲問來人望遠
銷愁夢懷歸媿病身平安非獨幸喜極更霑巾

留別伯寅丈

干戈擾擾行焉往身世茫茫願總違海內終關儒者事尊
前已覺故人稀才疏蔣琬歸田好親老王陽叱馭非霄漢
從今相憶處窮愁莫惜臥巖扉

留別顧翁

豈謂成功輕紱佩不將初志負林巒閉門終覺著書好入
世誰非行路難千里烽煙鄰故國十年風雨夢長安誅茅
他日容相待嬾散先君得挂冠

留別萊山

十年京國追隨久千里關河躑躅行海內汝爲眞學士山
中我自舊儒生締袍有贈憐張祿良醞無緣媿步兵回首
玉堂天上隔春風相憶古楊城

戊辰

答伯寅丈

留滯俄驚又破春人間何處不荆榛知非吾土猶爲客未

必儒冠始誤身安石出山空有待君平棄世豈無因歸來
彈鋏曾何好籬下從羞更寄人

戲題萊山使蜀日記

半年蹤迹三巴路千里江關一卷中蜀道蜀輜兼兩記前

王公與後陶公

王文簡公蜀道驛程記陶文毅公蜀輜日記

可能

羽書日夜達

皇州前席重煩借箸籌其說連營勤節度

猶聞五道合諸侯郊雲慘淡鼓鼙靜野日蒼茫旌旆愁表

裏河山容免脫可能早解 至尊憂

集字題張虹碧先生遺墨

書赤壁賦殘字二十日今者薄暮舉網得魚巨口細鱗
狀似松江之鱸顧

薄暮得細鱗狀似松江鱸顧舉網者曰今之巨口魚
薄暮舉細網顧得巨口魚今之狀者曰鱗似松江鱸
與同人話別口占

此行己自知未敢向人說故人心亦爾無語但惜別
夢玉森

重泉無見期空人他生遇所欣寤寐靈能使夙昔晤心知
來非易舊懷萬千吐不敢道君死夢中反世故幽魂且少
留斜月是歸路

送里人范欣亭

昌榮

明經西歸

亂定仍餘痛還家及早春不堪頻送客猶是未歸人雪擁
關前樹衣銷日下塵故園芳草綠待我駐征輪

丁卯秋

夫子奉

命備兵甘涼瀕行集平日所作古近體若干首付之剞劂

命煒校字煒不敏何敢贊一詞然往往於侍坐時竊聞緒

論其於風雅力追正始讐校之暇又揣摩一二其杼軸心
機綜比事物俛仰閱歷之餘令讀者勸感無端覺有餘於
筆墨之外者庚午刊竣爰紀數語於簡末以誌嚮往之志
云爾受業曹煒謹識